

634 179. 264  
Oratio funebris

FRATRIS HANNIBALIS ROSELLI,  
in sepultura Stephani I.

REGIS POLONIÆ

SERENISSIMI,

1588.



CRACOVIAE,

Ex Officina Lazari, Anno domini,

1590.

Ortwin Linde

1888

1888

1888

1888

1888



1888

1888

1888

ILLVSTRI, PARITER ET  
Magnifico domino,  
D. IOANNI SAMOSCIO,  
REGNI POLONIÆ CANCELLARIO,  
ac exercitus eiusdem regni  
principi inuictissimo,

F. HANNIBAL ROSELLI, OMNIA BONA PRECATVR.



*Aucis scripsi orationem funebrem, magni Stephani, regis Poloniæ nominatissimi, cuius odor adhuc replet aures catholicorum, cuius lumen in tenebris non extinguitur, cuius vita nunquam moritur, cuius suauitas non interruptitur in pectoribus nostris: rogauitque D. Ianusſouium, ut eam typis traderet. Sed cum id absque alicuius dedicatione fieri non posset, Illustr. D. T. dicare volui: cui enim aptius dedicari potuit, quam tibi, in quo requieuit duplex spiritus serenissimi Stephani? In principe illo inuictissimo, perfectissime requieuit spiritus pacis, & spiritus belli: manus una ad clauum, & altera ad remum: magnus vir belli, & optimus pacis conseruator; nihilominus in tua Illustr. dominatione emicuit spiritus belli, aduersus furentes regni impetitores, aduersus Tartarorum, atq, Turcarum dolosam irruptionem,*

*A ij*

*quos*

quos breui manu terga uertere coegisti : non minus  
resplenduit spiritus pacis , in conciliandis ordinibus  
regni dissidentibus , in euellendis odiis diuturnis ex  
multorum cordibus , in totius denique regni conuictu  
pacifico. Cum haeres ergo sis duplicis spiritus Step-  
hani, & eiusdem prudentiae, patientiae, laborum, lon-  
ganimittatis, pietatis, zeli catholicae fidei, sobrietatis,  
animositatis, inuicti & infraicti animi, egregij &  
circumspectu ingenij, dexteritatis, sagacitatis, soler-  
tiae, fortitudinis, iustitiae, & temperati animi ; aesti-  
maui apud me rem omnibus gratam facturum, si haec  
oratio sub tui nominis tutela ueniret in lucem. Ac-  
cipe ergo laeta fronte, tranquillo animo, vir prudentis-  
sime, regni polonici columna ferrea, & murus aene-  
us, decus, & specimen singulare, haec pauca nostra  
sub tuis felicibus auspicijs prodeuntia, & ut recti bo-  
niq; consulus, iterum, atque iterum rogo. Datum  
Cracouiae ex conuentu Ordinis fratrum minorum de  
obseruantia, 4. Calendas Ianuarij, Anno Domi-  
ni, 1590.

ORATIO FVNEBRIS  
Fratris Hannibalis Roselli,

IN SEPVLTVRA STEPHANI I.

Regis Polonię serenissimi,

1588.



HOC NOBIS MOTVS PO-  
lonorũ graues, & ciuiles, hoc  
intensa frigora, non solum æ-  
ris, sed etiam iustitię & veri-  
tatis minabantur, & vltřa so-  
litum viuendi modum, morum omnium  
corruptio, & honestatis denunciabat; quod  
clementissimus Stephanus Bathori, recess-  
surus esset à nobis. Quid ni mundus ipse  
desleret cum principem, continuò esse rapi-  
endum; per cuius recessum, mundus est tur-  
batus, principes terrę ad bellum incitati,  
diuites depauperati, pauperes extincti, Re-  
gnum Polonię, paterno destitutũ pręsidio?  
cuius terra madet sanguine humano, cuius  
domus cõflagrationum adhuc spirant vesti-  
gia? Huius inuictissimi Principis, iam ante

A iij aliquot

aliquot menses declamauimus obitum, & nunc sepulturā celebramus: assistente sacris altaribus, Sigismundo Tertio eius successore, Rege Serenissimo. Ergo Rex tantus recessit à nobis? non totus recessit: successit enim in regnum eius, Rex humanissimus, Rex ex præclara, & antiquissima Iagellonis familia oriūdu, in qua Sigismundus Primus, pacis fundator, atque catholicæ fidei acerrimus defensor, mirificè, atq; splendide regni Poloniæ fines dilatauit: multis victorijs auctus, prælijsque contra hostes fortiter gestis, illustris effectus, immanissimo Turcarum Imperatori terrori erat, & formidini. non audebant tunc irrumpere in fines polonici regni, dolosi Tartari, non fœdifragi Turcæ, non ferox vicinus in polonos arma fumebat; sed omnes conterminæ nationes, Sigismundi Primi, Regis inuictissimi, Regis catholicissimi, Regis prudentissimi, arma timebant, admirabantur prudentiam, nec non potentiam cum pietate & fide coniunctam formidabant. Dum  
ctiam

etiam Sigismundus Primus regni gubernacula prudenter, & fortiter regeret; tunc flumina iam lactis, iam flumina nectaris ibant: omnia tranquillè, & pacatè agebantur in Polonia. nec mirum, cum promptuaria polonorum benignè paterent omnibus: nec auaritia intercipiens beneficia diuina, famem sitimque vulgo faceret; sed omnes æqualiter abundarent. cum habentes non habentibus, largè copiosèq; donarent. sed postquam Saturnus à filio pulsus est, in Latiumque delatus, arma Iouis fugiens, & regnis exul ademptis, hoc est, postquam hæreticorum ingressa est colluies; pulsa est catholicorū simplicitas, & innocentia: postquam inuasit pestiferum schismaticorum virus, & diuersarum sectarum fallacia; homines delati sunt in Latium, id est, dilatauerunt mala sua, & sub velamine falsæ libertatis christianæ sese absconderunt: Tunc deseruit properè terras iustissima virgo; Et Iouis in regno, cælique in parte resedit: tunc iustitia, veritas, pietas, humanitas, sinceritas, amor  
frater-

fraternitatis, bonum reipublicæ, honestatis obseruantia, sobrietatis tutela, pauperum sustentatio, violentorum punitio, homines deseruit, & in cæli parte, hoc est, in paucis catholicis resedit: tunc belli rabies, & amor successit habendi. nec mirum, sublata enim fide catholica, inter se manus conferere cœperunt, pater in filium, filius in parentem, mater in filiam, filia in matrem, & inimici hominis, domestici eius. Incidit noster Sereniss. Sigismundus Tertius in hæc tempora, & cum magno aduersariorum tumultu, coronam regni suscepit: grauias, & horrida bella, regni exordia præcesserunt; magnam deinde pacem secuturam fore speramus: sic enim læta tristibus Deus miscere consuevit. Is igitur Rex Serenissimus, ex tã præclara, & antiquissima familia oriundus, successit in regnum Stephano. Nec moueat ætas: est enim perfecta ætas, vbi perfecta est fides, vbi perfecta est virtus; fides quippe & virtus augent ætatem. Stephano autem ne simus ingrati: sed suo pignori, sedulum



## ORATIO.

9

dulum ac patrium impendamus obsequium. Cantat Psalmista: Dilexi, quoniam audiet Dominus vocem orationis meæ. Agnosco ipsum Stephanum loquentem: verè enim dilexit, qui officia pugnacissimi Regis impleuit, qui seruauit hostes, qui dilexit inimicos, qui ijs, à quibus appetitus est, ignouit. Dilexit, quia pro regno sæpiùs se morti obtulit, sibi que non pepercit, nec immensos subire labores recusauit. Dilexit regni iustitiam & honorem. Dilexi, inquit, quoniam exaudiuit me, vt regnum victorijs multis auctum, diuicijs, & populorum multitudine cumulatum, nec non pacatum & tranquillum relinquerem. Feriatus his seculi curis Stephanus, se creptum gaudet: cleuauit animam suam ad Deum, atque ad æternam requiem direxit; pulchre sibi consultum agnoscens, quòd eripuerit animam suam de morte, quam quidem mortem frequenter in hoc seculo sustinuerat. Conuertere anima mea in requiem tuam, in quam festinauit intrare Stephanus, & ingredi in ciuitatem le-

B

tem le-

tem Ierusalem, de qua dictum est, Et Reges gentium ferent gloriam in illam. Illa est vera gloria, quæ ibi sumitur: illud regnum beatissimum, quod ibi possidetur. Solutus dubio certamine Stephanus, fruitur nunc augusta memoria, luce perpetua, tranquillitate diuturna, & pro suis laboribus, quos pro regni honore, & salute suscepit, remunerationis diuinæ fructibus gratulatur. Et ego quidem, ut orationem meam, in laudem ipsius conuertam, dilexi Stephanum Regem; singulari prudentia virum, iustitia ornatum; inuieto & infracto animo omnia gerentem. In rebus publicis & priuatis, in rebus ciuilibus & domesticis, in rebus forensicis & bellicis, cautum, prouidum, circumspectum; sagacem, atque strenuum: semper paratum ad ius reddendum, ad iudicandum, ad consulendum, ad pugnam, ad aciem, ad bellum, ad pacem, ad animi tranquillitatem, ad reipublicæ concordiam: prompto animo belli expeditiones subeuntem: in prosperis, & aduersis rebus, eadem frontis serenitate, atque vul-

## ORATIO.

II

que vultus maiestate, omnia disponentem. Meritò ergo erat diligendus, qui magis arguentem, quàm adulantem probabat. Conteror corde, quia creptus est nobis vir, cui vix possumus inuenire similem. Sed tu tu solus Domine inuocandus es, tu rogandus, vt eum in suo nepote, Sigismundo Tertio repræsentes. Da quæso Domine requiem seruo tuo Stephano, requiem quam præparasti Sanctis tuis. Illò conuertatur anima sua, vnde exiuit, vbi mortis aculeum sentire non possit, vbi cognoscat mortem hanc non hominis finem esse, sed culpæ. quod enim mortuus est, peccato mortuus est, vt iam peccato locus esse non possit. Prosequar lachrymis, virum belli & pacis conseruatorem: in vtraque fortuna bellissimè se gerentem: cuius obitum, non solum Summum Pontificem Sixtum, huius nominis Quintum, ac alios christianos reges, & principes, verum etiam Imperatorem Turcarum, vsque ad lachrymas defleuisse audiui-  
mus. Et reuera, sicut eo viuentem apud nos,

B ij nunc

nunc verò apud superos, sua mundus pace fruebatur, omniumque bonorum copia, & rerum tranquillitas esse videbatur, ita planè, eo à nobis recedente, omnium malorum exundauit confusio. Quantæ inde hominum strages! quantæ insanientium hæreticorum in catholicos insultus! quantæ miserorum iugulationes! quantæ pauperum angustiae, lachrymæ, & oppressiones! quantæ ecclesiarum prophanationes! ô Stephane, Stephane, verè corona regum nostri temporis, & decus singulare, cuius insignem, atque illustrem virtutis memoriam, nulla vnquam temporis delebit obliuio. Manet ergo in lumine Stephanus, & sanctorum cœtibus gloriatur: iam potentior, iam gloriosior, ad cælum migravit, quem angelorum caterua deduxit, quem sanctorum turba est prosequuta. Et tu beata es Cracouia, quæ corpus pugnacissimi, & inuictissimi Regis suscipis, & habitatorem supernæ illius ciuitatis, augusto sepulti corporis conseruabis hospitio. Nō possum ergo tibi non acclamare Stephane

Scre-

Serenissime, bene, præclare, feliciter. Quare molliter quiesce in cubili tuo: dormi suaviter in sepulchro tuo: aderit tempus, & breui, quando audies vocem tubæ, qua expergefactus, procedes à puluere, vnaque cum cæteris regibus, qui bene meriti sunt de repub. christiana, raperis in nubibus obuiam Christo in aëra, & sic perpetuò cum domino eris. Interim nos deflemus damna nostra; tu verò in cælo optima, atque perpetua vita, cum cælestibus spiritibus donatus, pro nobis orare non cesses; vt ex præsentibus, & futuris malis liberati, Deo Optimo Maximo immortales gratias agere valeamus.

FINIS.



